

ՄՅՈՒՆԻՔԻ ՄԱՐԶՊԵՏ ՌՈԲԵՐՏ ՂՈՒԿԱՍՅԱՆԻ ՇՆՈՐՀԱՎՈՐԱՆՔԸ ՀԱՆՐԱՊԵՏՈՒԹՅԱՆ ՏՈՒԻ ԿԱՊԱԿՑՈՒԹՅԱՄԲ

28.05.2025



Միբելի՝ հայրենակիցներ

Շնորհավորում եմ բոլորիս մեր պատմության ամենանշանակալի տոներից մեկի՝
Հանրապետության տոնի կապակցությամբ, որը նշում ենք այսօր:

Հայաստանի առաջին հանրապետությունը, որը ծնվեց Մայիսյան հերոսամարտերում, մեզ
համար դարձավ պետականություն ունենալու վեհ ու դարերով երազած նպատակի
իրագործման հիմնաքարը: 1918 թվականի մայիսը հայ ժողովրդի անպարտելի ոգու,
ազատության համար պայքարի խորհրդանիշն է, ու այդ դժվարին և վճռորոշ օրերին, մեր
պապերը կարողացան ոչ միայն դիմանալ ու հաղթել, այլև ինքնիշխան հայկական
պետականություն ստեղծել: Այն մեզ սովորեցրեց, որ նույնիսկ ամենամութ ժամանակներում
միասնությունը և հայրենի հողի համար գոհաբերությունը, վճռականությունը կարող են
հանգեցնել ազատության: Մենք հպարտանում ենք այդ հաղթանակներով ու
Սարդարապատի, Բաշ Ապարանի և Ղարաքիլիսայի հերոսների անուններով:

Տոնը հիշեցնում է նաև սրբազան պարտականության մասին մեր երկրի նկատմամբ՝
ամրապնդել և զարգացնել Հայաստանը, պահպանել նրա անկախությունն ու
ինքնիշխանությունը, հոգատարությամբ վերաբերվել ազգային արժեքներին և պատմական
հիշողությանը:

Թո՛ղ Մայիսի 28-ը դառնա առիթ՝ վերահաստատելու մեր միասնական կամքը,
հայրենասիրությունը և պատրաստակամությունը՝ կառուցելու ուժեղ, ապահով և անվտանգ
Հայաստան:

Շնորհավո՛ր Հանրապետության տոնը, խաղաղություն, առողջություն, ապագայի հանդեպ
վստահություն և բարեկեցություն եմ մաղթում բոլորիդ: